



O‘ZBEKISTON RESPUBLIKASI PREZIDENTINING FARMONI

2025 yil « 19 » март

№ ПФ–51

Мақтабгача ва мақтаб таълими соҳасида бошқарув тизими самарадорлигини оширишнинг қўшимча чора-тадбирлари тўғрисида

Мақтабгача ва мақтаб таълими соҳасида бошқарув тизимига юқори салоҳиятли кадрларни жалб этиш, амалга оширилаётган ислоҳотларнинг энг қуйи тизимгача етиб боришини таъминлаш, тизим ходимларини муносиб рағбатлантириш ҳамда вертикал бошқарув тизими самарадорлигини ошириш орқали сифатли таълимга эришиш мақсадида:

1. Қуйидагилар мақтабгача ва мақтаб таълими соҳасида бошқарувнинг асосий устувор йўналишлари этиб белгилансин:

сифатли таълим беришда республика, ҳудудий, туман ва шаҳар даражасида яхлит вертикал **бошқарув тизимини шакллантириш**;

мақтабгача ва мақтаб таълимининг барча даражасидаги бошқарув тузилмаларига юқори салоҳиятли, замонавий билим, кўникма ва малакага эга ташаббускор номзодларни **танлов асосида жалб қилиш**;

мақтабгача ва умумий ўрта таълим ташкилотларини босқичма-босқич замонавий бошқарув ва менежерлик қобилиятига эга бўлган **раҳбар кадрлар билан тўлдириш**;

сифатли таълим берилишини таъминлашда ўқувчиларнинг билим ва кўникмаларни эгаллашлари, танқидий фикрлаш, жамоада ишлаш каби кўникмаларини ривожлантиришга қаратилган **баҳолаш мониторингини ўтказиш**;

тизимда фаолият юритаётган педагогларнинг касбий ва педагогик маҳоратини ошириш ҳамда уларга **малака тоифаларини беришнинг янги тизимини жорий этиш**;

тизим ташкилотлари фаолиятини **рақамлаштириш** орқали бошқарув самарадорлигини ошириш.

2. Белгилансинки:

а) туман (шаҳар) мактабгача ва мактаб таълими бўлимлари ҳузуридаги Махсус таъмирлаш-эксплуатация хизматидан **810** та штат бирлигини мақбуллаштириш ҳисобидан Мактабгача ва мактаб таълими вазирлиги ҳамда унинг ҳудудий ва туман (шаҳар) бўлинмалари жами бошқарув ходимларининг умумий чекланган сони **5 002** тага етказилади;

б) Мактабгача ва мактаб таълими вазирлиги, унинг тизимидаги агентлик ҳамда марказлар, ҳудудий ва туман (шаҳар) бўлинмалари ходимларининг кўп йиллик хизмати учун **рағбатлантириш тизими жорий этилади**;

в) **2025 йил 1 сентябрдан** бошлаб:

умумий ўрта таълим ташкилотлари директори лавозимининг базавий тариф ставкаси **20 фоизга**;

умумий ўрта таълим ташкилотлари директори ўринбосари лавозимининг базавий тариф ставкаси **15 фоизга**;

I ва II гуруҳга кирувчи мактабгача таълим ташкилоти директорлари лавозимларининг базавий тариф ставкалари тегишлича III ва IV гуруҳдаги умумий ўрта таълим ташкилоти директори ўринбосари лавозимининг базавий тариф ставкаларига тенглаштириш орқали оширилади;

г) **2026 йил 1 январдан** бошлаб умумий ўрта таълим ташкилотларининг директор жамғармаси маблағлари ҳисобидан директор ва унинг ўринбосарларига фаолият самарадорлиги кўрсаткичлари (KPI) натижасига кўра базавий тариф ставкаларига нисбатан тегишлича 20 ва 10 фоиз миқдорида **ҳар ойлик устамалар** белгиланади.

3. Мактабгача ва мактаб таълими вазирлиги:

Иқтисодиёт ва молия вазирлиги билан биргаликда **бир ой муддатда** мазкур Фармонда назарда тутилган тадбирларни молиялаштириш манбаини белгиласин ва Давлат бюджети параметрларига тегишли ўзгартиришлар киритиш чораларини кўрсин;

икки ой муддатда мактабгача ва мактаб таълими тизимида ислохотларни амалга ошириш учун белгиланган вазифалардан келиб чиқиб, Қорақалпоғистон Республикаси Мактабгача ва мактаб таълими вазирлиги, вилоятлар ҳамда Тошкент шаҳар мактабгача ва мактаб таълими бошқармалари ҳамда туман (шаҳар) мактабгача ва мактаб таълими бўлимлари ходимларининг лавозим мажбуриятларини қайта кўриб чиқсин;

уч ой муддатда умумий ўрта таълим ташкилотларининг директор жамғармаси маблағлари ҳисобидан директор ва унинг ўринбосарларига ҳар ойлик устамаларни белгилаш учун уларнинг фаолият самарадорлиги кўрсаткичларини (KPI) ишлаб чиқсин ва белгиланган тартибда Вазирлар Маҳкамасига киритсин.

4. Мактабгача ва мактаб таълими вазирлиги, унинг тизимидаги агентлик ҳамда марказлар, ҳудудий ва туман (шаҳар) бўлинмалари ходимларини **2025 йил 1 апрелдан** бошлаб қўшимча рағбатлантириш шартлари **1-иловага** мувофиқ тасдиқлансин.

5. Ушбу Фармон ижроси учун зарур маблағлар 2025 йилда Мактабгача ва мактаб таълими вазирлигига ажратилган маблағларни қайта тақсимлаш орқали молиялаштирилади, 2026 йилдан бошлаб эса Давлат бюджети параметрларида назарда тутилади.

6. Ўзбекистон Республикаси Президентининг ва Ўзбекистон Республикаси Ҳукуматининг айрим ҳужжатларига **2-иловага** мувофиқ ўзгартириш ва қўшимчалар киритилсин.

7. Мактабгача ва мактаб таълими вазирлиги манфаатдор вазирлик ҳамда идоралар билан биргаликда **уч ой муддатда** қонунчилик ҳужжатларига ушбу Фармондан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

8. Мазкур Фармоннинг ижросини назорат қилиш Ўзбекистон Республикасининг Бош вазири А.Н. Арипов зиммасига юклансин.

Ўзбекистон Республикаси
Президенти



Ш. Мирзиёев

Тошкент шаҳри

Мактабгача ва мактаб таълими вазирлиги, унинг тизимидаги агентлик ҳамда марказлар, ҳудудий ва туман (шаҳар) бўлинмалари ходимларини қўшимча рағбатлантириш шартлари

1. Ўзбекистон Республикаси Давлат бюджети ҳисобидан давлат органлари ва ташкилотларидаги кўп йиллик хизмати учун рағбатлантириш коэффициентини ҳисобга олган ҳолда лавозим маошига белгиланган коэффициентларда қуйидаги ҳажмда **ҳар ойда устамалар** тўланади:

а) Мактабгача ва мактаб таълими вазирлиги, унинг тизимидаги агентлик ҳамда марказлар, Қорақалпоғистон Республикаси Мактабгача ва мактаб таълими вазирлиги, вилоятлар ва Тошкент шаҳар мактабгача ва мактаб таълими бошқармалари ходимларига:

- 1 йилдан 3 йилгача – 0,3;
- 3 йилдан 5 йилгача – 0,6;
- 5 йилдан 10 йилгача – 0,8;
- 10 йилдан 15 йилгача – 1,0;
- 15 йилдан 20 йилгача – 1,2;
- 20 йилдан юқори – 1,5;

б) туман (шаҳар) мактабгача ва мактаб таълими бўлимлари ходимларига:

- 1 дан 3 йилгача – 0,15;
- 3 дан 5 йилгача – 0,3;
- 5 дан 10 йилгача – 0,45;
- 10 дан 15 йилгача – 0,6;
- 15 дан 20 йилгача – 0,75;
- 20 дан юқори – 1,0.

2. Қорақалпоғистон Республикаси Мактабгача ва мактаб таълими вазирлиги, вилоятлар ва Тошкент шаҳар мактабгача ва мактаб таълими бошқармалари, туман (шаҳар) мактабгача ва мактаб таълими бўлимлари ходимларига (методист ходимлардан ташқари) Ўзбекистон Республикаси Давлат бюджети ҳисобидан Ўзбекистон Республикаси Президентининг 2017 йил 9 январдаги “Давлат бошқаруви ҳудудий органлари фаолиятини янада такомиллаштириш ва ходимларини моддий рағбатлантиришни кучайтириш чора-тадбирлари тўғрисида”ги ПҚ–2722-сон қарорининг 1-банди иккинчи хатбошисида назарда тутилган ҳар ойлик устамалар татбиқ этилади.

Ўзбекистон Республикаси Президентининг
2025 йил 19 мартдаги ПФ–51-сон Фармониغا
2-илова

**Ўзбекистон Республикаси Президентининг ва Ўзбекистон Республикаси
Ҳукуматининг айрим ҳужжатларига киритилаётган
ўзгартириш ва қўшимчалар**

1. Ўзбекистон Республикаси Президентининг 2019 йил 14 январдаги “Давлат активларини бошқариш, монополияга қарши курашишни тартибга солиш тизимини ва капитал бозорини тубдан такомиллаштириш чора-тадбирлари тўғрисида”ги ПФ–5630-сон Фармонининг 6-бандида:

а) “а” кичик банднинг биринчи хатбошиси “мустасно” сўздан кейин “(мактабгача ва мактаб таълими тизими муассаса ва ташкилотларидан ташқари)” сўзлари билан тўлдирилсин;

б) қуйидаги мазмундаги “а¹” кичик банд билан тўлдирилсин:

“а¹) мактабгача ва мактаб таълими тизимидаги муассаса ва ташкилотлар мулки ижарасидан тушадиган маблағлар:

75 фоиз — давлат мулкани баланс сақловчисига;

25 фоиз — тегишли маҳаллий бюджет даромадига”.

2. Ўзбекистон Республикаси Президентининг 2022 йил 11 майдаги “2022 – 2026 йилларда мактаб таълимини ривожлантириш бўйича миллий дастурни тасдиқлаш тўғрисида”ги ПФ–134-сон Фармонида:

а) 8-банднинг учинчи хатбошиси чиқариб ташлансин;

б) 9-бандда:

ўн биринчи хатбоши қуйидаги таҳрирда баён этилсин:

“Мактабгача ва мактаб таълими вазирлиги (Х. Умарова) ҳамда Олий таълим, фан ва инновациялар вазирлиги (К. Шарипов) Иқтисодиёт ва молия вазирлиги (И. Норқулов) билан келишган ҳолда халқаро тан олинган ва миллий баҳолаш тизимида берилган сертификатлар (уларнинг комбинацияси) рўйхатини ҳамда ҳар ойлик устама олиш учун сертификатларнинг энг кам даражасини қонунчиликда белгиланган тартибда тасдиқласин”;

ўн иккинчи – ўн тўртинчи хатбошилар чиқариб ташлансин;

в) 1-иловада:

12-позиция чиқариб ташлансин;

13-позициянинг “Амалга ошириш механизми” ва “Бажариш муддати” устунлари 2-банди ўз кучини йўқотган деб ҳисоблансин.

3. Ўзбекистон Республикаси Президентининг 2023 йил 25 январдаги “Республика ижро этувчи ҳокимият органлари фаолиятини самарали йўлга қўйишга доир биринчи навбатдаги ташкилий чора-тадбирлар тўғрисида”ги ПФ–14-сон Фармонида 1-иловада:

а) “13. Мактабгача ва мактаб таълими вазирлиги” бўлими “Мактабгача ва мактаб таълими вазирлиги” позициясининг “Жами бошқарув штат бирликлари сони” ва “Давлат бюджети ҳисобидан” устунларидаги “4 119” рақами “4 929” рақами билан алмаштирилсин;

б) изоҳлар қисмида:

5.12. бандда “Республика таълим маркази” сўзларидан кейин “, Таълим соҳасида овқатлантиришни ташкил этиш ва назорат қилиш маркази” сўзлари билан тўлдирилсин;

5.13. бандда “илмий-амалий маркази” сўзларидан кейин “, Фан олимпиадалари маркази” сўзлари билан тўлдирилсин.

4. Ўзбекистон Республикаси Президентининг 2023 йил 26 майдаги “Мактабгача ва мактаб таълими вазирлиги ҳамда унинг тизимидаги ташкилотлар фаолиятини самарали ташкил этиш чора-тадбирлари тўғрисида”ги ПФ–79-сон Фармонида:

а) 4-банднинг “а” кичик банди иккинчи хатбошиси қуйидаги таҳрирда баён этилсин:

“умумий ўрта таълим муассасалари директорларига ўз ўринбосарларини ишга қабул қилиш ва ишдан бўшатиш масалаларини мустақил ҳал қилиш ҳуқуқи берилади”;

б) 3-илованинг “Таъминот ва логистика хизмати” ДУК, “Инновация, технология ва стратегия маркази” ДУК” блокдан “Инновация, технология ва стратегия маркази” ДУК” сўзлари чиқариб ташлансин.

5. Ўзбекистон Республикаси Президентининг 2023 йил 11 сентябрдаги “Ўзбекистон – 2030 стратегияси” тўғрисида”ги ПФ–158-сон Фармонида 1-илованинг 1-позицияси қуйидаги таҳрирда баён этилсин:

1.	Мактабгача таълим тизимини янги босқичга олиб чиқиш ҳамда болаларнинг тўлиқ қамровини таъминлаш.	Болаларни мактабга тайёрлов гуруҳлари билан тўлиқ қамраб олиш. 100 фоиз мактабгача таълим ташкилотларини тоза ичимлик сув ва замонавий санитария-гигиена инфратузилмаси билан таъминлаш.
----	--	--

6. Ўзбекистон Республикаси Президентининг 2024 йил 1 апрелдаги “Ихтисослаштирилган мактаблар тармоғини кенгайтириш ва уларнинг

фаолиятини янада такомиллаштириш чора-тадбирлари тўғрисида”ги ПФ–55-сон Фармонининг 4-банди “б” кичик бандининг учинчи хатбошиси “Extension,” сўзидан кейин “(Focus on Assessment ёки Focus on Teaching),” сўзлари билан тўлдирилсин.

7. Ўзбекистон Республикаси Президентининг 2024 йил 30 сентябрдаги “Мақтабгача таълим сифати ва самарадорлигини янада ошириш бўйича қўшимча чора-тадбирлар тўғрисида”ги ПФ–152-сон Фармонининг 3-банди иккинчи хатбошиси “шартларини” сўзидан кейин “ҳамда малака тоифаларини бериш тартибини” сўзлари билан тўлдирилсин.

8. Ўзбекистон Республикаси Президентининг 2024 йил 16 октябрдаги “Касбий таълимда малакали кадрлар тайёрлаш тизимини янада такомиллаштириш ва халқаро таълим дастурларини жорий қилиш чора-тадбирлари тўғрисида”ги ПФ–158-сон Фармонида:

а) 1-илованинг 108-позицияси чиқариб ташлансин;

б) 3-илова қуйидаги мазмундаги 18¹-позиция билан тўлдирилсин:

“	18 ¹ .	5.	Бухоро шаҳри	Бухоро педагогика коллежи	650	Умумий ўрта таълим мактаби	”
---	-------------------	----	--------------	---------------------------	-----	----------------------------	---

9. Ўзбекистон Республикаси Президентининг 2025 йил 30 январдаги “Ўзбекистон – 2030” стратегиясини “Атроф-муҳитни асраш ва “яшил иқтисодиёт” йилида амалга оширишга оид давлат дастури тўғрисида”ги ПФ–16-сон Фармонига 3-иловада:

а) 4-позиция қуйидаги таҳрирда баён этилсин:

“	4.	Тоза ичимлик сув ва санитария-гигиена инфратузилмаси билан таъминланган давлат мактабгача таълим ташкилотлари улуши.	фоиз	83	-	-	82	83	“Ўзсувтаъминот” АЖ, Мактабгача ва мактаб таълими вазирлиги	”
---	----	--	------	----	---	---	----	----	--	---

б) 5-позиция қуйидаги таҳрирда баён этилсин:

“	5.	Умумий ўрта таълим тизимида яратиладиган янги ўқувчи ўринлари сони.	мингта	110	24	28	28	30	Қурилиш ва уй-жой коммунал хўжалиги вазирлиги, Мактабгача ва мактаб таълими вазирлиги	”
---	----	---	--------	-----	----	----	----	----	---	---

в) 6-позиция қуйидаги таҳрирда баён этилсин:

“	6.	Тоза ичимлик сув ва санитария-гигиена инфратузилмаси билан таъминланган умумий ўрта таълим муассасалари улуши.	фоиз	91	85	88	90	91	“Ўзсувтаъминот” АЖ, Мактабгача ва мактаб таълими вазирлиги	”
---	----	--	------	----	----	----	----	----	--	---

г) 11-позиция қуйидаги таҳрирда баён этилсин:

“	11.	Ўқувчилар учун бепул мактаб автобуслари йўлга қўйилган олис ва чекка ҳудудларда жойлашган умумий ўрта таълим муассасалари сони.	дона	100	-	-	100	-	Самарқанд ва Жиззах вилояти ҳокимликлари, Транспорт вазирлиги, Иқтисодиёт ва молия вазирлиги	”
---	-----	---	------	-----	---	---	-----	---	--	---

10. Ўзбекистон Республикаси Президентининг 2017 йил 15 сентябрдаги “Нодавлат таълим хизматлари кўрсатиш фаолиятини янада ривожлантириш чора-тадбирлари тўғрисида”ги ПҚ–3276-сон қарорининг 8-банди биринчи хатбошисидаги “2021” рақами “2030” рақами билан алмаштирилсин.

11. Ўзбекистон Республикаси Президентининг 2018 йил 5 апрелдаги “Мактабгача таълим тизимини янада рағбатлантириш ва ривожлантириш чора-тадбирлари тўғрисида”ги ПҚ–3651-сон қарорига 1-илованинг 97-банди тўққизинчи хатбошисидаги “методистлари” сўзи “директор ўринбосарлари” сўзлари билан алмаштирилсин.

12. Ўзбекистон Республикаси Президентининг 2018 йил 5 сентябрдаги “Мактабгача ва мактаб таълими тизимига бошқарувнинг янги тамойилларини жорий этиш чора-тадбирлари тўғрисида”ги ПҚ–3931-сон қарорида:

а) 6-банд ўз кучини йўқотган деб ҳисоблансин;

б) 13-бандда:

биринчи хатбошидаги “2025” рақами “2030” рақами билан алмаштирилсин;

учинчи хатбоши қуйидаги таҳрирда баён этилсин:

“Ўзбекистон Республикасида ишлаб чиқарилмайдиган, белгиланган тартибда шакллантириладиган рўйхатлар бўйича нодавлат мактабгача ва умумий ўрта таълим ташкилотларини жиҳозлаш ва фаолиятини таъминлаш учун олиб кириладиган замонавий ўқув ва лаборатория ускуналари, компьютер техникаси, дастурий маҳсулотлар, ўқув ва илмий-методик адабиётлар, анжомлар ва моддий-техник ресурслар 2030 йил

1 январга қадар муддатга божхона тўловларидан (божхона расмийлаштируви учун йиғимлар бундан мустасно)”.
13. Ўзбекистон Республикаси Президентининг 2020 йил 6 ноябрдаги “Таълим-тарбия тизимини янада такомиллаштиришга оид қўшимча чора-тадбирлар тўғрисида”ги ПҚ–4884-сон қарорининг 11-бандида:

бешинчи хатбоши чиқариб ташлансин;

олтинчи хатбоши бешинчи хатбоши деб ҳисоблансин;

бешинчи хатбошидан “ҳамда умумтаълим муассасалари директорларини” сўзлари чиқариб ташлансин.

14. Ўзбекистон Республикаси Президентининг 2022 йил 11 майдаги “Мақтабгача ва мактаб таълимини ривожлантиришга оид қўшимча чора-тадбирлар тўғрисида”ги ПҚ–241-сон қарорида:

а) 6-бандда:

иккинчи хатбоши чиқариб ташлансин;

учинчи – бешинчи хатбошилар тегишинча иккинчи – тўртинчи хатбошилар деб ҳисоблансин;

б) 1-илова ўз кучини йўқотган деб ҳисоблансин.

15. Ўзбекистон Республикаси Президентининг 2023 йил 11 сентябрдаги “Ўзбекистон – 2030” стратегиясини 2023 йилда сифатли ва ўз вақтида амалга ошириш чора-тадбирлари тўғрисида”ги ПҚ–300-сон қарорида:

2-банднинг “а” кичик банди учинчи хатбошисидан “, келгусида мазкур тажриба республиканинг барча ҳудудларида босқичма-босқич жорий этилсин” сўзлари чиқариб ташлансин;

1а-илованинг 4-позицияси “Ўлчов бирлиги” устунидаги “мингта” сўзи “та” сўзи билан алмаштирилсин.

16. Вазирлар Маҳкамасининг 2005 йил 21 декабрдаги “Халқ таълими ходимлари меҳнатига ҳақ тўлашнинг такомиллаштирилган тизимини тасдиқлаш тўғрисида”ги 275-сон қарорида:

а) 2-иловада:

1.1-позицияси қуйидаги таҳрирда баён этилсин:

“	1.1	Умумий ўрта таълим ташкилоти директори	5,844	5,525	5,210	4,879	”
---	-----	--	-------	-------	-------	-------	---

2.1-позицияси қуйидаги таҳрирда баён этилсин:

“	2.1	Умумий ўрта таълим ташкилоти директорининг ўринбосарлари (2.9-банддан ташқари), мактаб маслаҳатчиси	5,295	4,993	4,676	4,368	”
---	-----	---	-------	-------	-------	-------	---

қуйидаги мазмундаги 2.9-позиция билан тўлдирилсин:

“	2.9	Умумий ўрта таълим ташкилоти директорининг хўжалик ишлари бўйича ўринбосари	2,277	2,102	1,933	1,772	”
---	-----	---	-------	-------	-------	-------	---

б) 2а-илованинг 2-банди қуйидаги таҳрирда баён этилсин:

“2. Давлат мактабгача таълим ташкилоти раҳбарлари меҳнатига ҳақ тўлаш бўйича базавий тариф ставкалари миқдорлари:

Т/р	Лавозим номи	Меҳнатга ҳақ тўлашнинг энг кам миқдорига нисбатан (коэффициентда)	
		I гуруҳ	II гуруҳ
1.	Директор	4,676	4,368

Изоҳ. Давлат мактабгача таълим ташкилоти директорининг базавий тариф ставкаси ташкилотлар гуруҳидан келиб чиқиб белгиланади”.

17. Вазирлар Маҳкамасининг 2019 йил 7 июндаги “Олис ҳудудларда жойлашган умумий ўрта таълим муассасаларида фаолият юритаётган педагог ходимларнинг меҳнатини янада рағбатлантириш тўғрисида”ги 471-сон қарорига 1-илованинг “12. Хоразм вилояти” бўлими қуйидаги мазмундаги позиция билан тўлдирилсин:

“	Тупроққаъла тумани	Саримой маҳалла фуқаролар йиғини (МФЙ) (Саримой қишлоғи)	”
---	--------------------	---	---

18. Вазирлар Маҳкамасининг 2019 йил 30 сентябрдаги “Умумий ўрта таълим муассасаларининг ўртак кўрсатган ходимларини моддий рағбатлантириш тартибини такомиллаштириш тўғрисида”ги 823-сон қарорига 1-илованинг 29-бандида:

а) биринчи хатбошидаги “50” рақами “75” рақами билан алмаштирилсин;

б) қуйидаги мазмундаги иккинчи хатбоши билан тўлдирилсин:

“Бунда мукофотлаш даврида мукофот миқдори Жамғармани амалдаги молиявий ҳолатидан келиб чиқиб, унинг мавжуд маблағлари доирасида белгиланади”.

19. Вазирлар Маҳкамасининг 2020 йил 15 декабрдаги “Халқаро тараққиёт уюшмаси, Таълимда глобал ҳамкорлик ташкилоти ҳамда Натижаларга асосланган ёндашувлар учун глобал ҳамкорлик ташкилоти иштирокидаги “Болаларни эрта ёшдан ривожлантиришни такомиллаштириш” лойиҳасини амалга ошириш чора-тадбирлари тўғрисида”ги 789-сон қарорининг 1-банди “г” кичик бандидаги “2020 – 2024 йилларни” сўзлари “2020 – 2025 йилларни” сўзлари билан алмаштирилсин.

20. Вазирлар Маҳкамасининг 2022 йил 2 августдаги “Мактабгача таълим соҳасида давлат-хусусий шериклик муносабатларини замонавий рақамли технологиялар ёрдамида соддалаштириш чора-тадбирлари тўғрисида”ги 426-сон қарорига 2-иловининг 6-банди “б” кичик бандидаги “методист” сўзи “директор ўринбосари” сўзлари билан алмаштирилсин.

Изоҳ. 18 банд 2025 йил 1 сентябрдан бошлаб кучга киради.

